

UNDP Timor-Leste PROJETU SSRI

Buletin Notisia nian -
Publikasaun #2 Junhu 2017



Foto: Hipólito Amaral Ximenes / UNDP TL



Foto: Hipólito Amaral Ximenes / UNDP TL



Foto: Tommaso Wong / UNDP TL

Bem-uindo ba buletin daruak husi PNUD Timor-Leste Projetu SSRI (Hametin Infraestrutura Rural Eskalaun kiik mak resiliente ba klima).

Mai le'e bulletin ne'e hodi aprende liu tan kona ba dezenvolvimentu mak agora dadaun hala'o husi projetu ne'e no hakarak informasaun liu tan, favor ida visita pájina Projetu SSRI iha: <http://www.tl.undp.org>

PNUD Timor-Leste Projetu SSRI servisu dadaun hodi Hametin resiliência infraestrutura rural eskalaun ki'ik iha Municipio hanesan Ermera, Liquisa no Baucau. Projetu ne'e implementa ona parseria ho Ministériu Administrasaun Estatal (MAE) no Ministériu Comércio, Industria no Ambiente (MCIA). Hahú tinan 2013, projetu infraestrutura rural ba reliziente klimatika hamutuk 20 implementa ona, no fo benefisiu ba ema 100,000 liu iha munisípiu tolu.

Dezenvolve Estutura Dezenvolvimentu Kapasidade ba MAE

Marsu 2017, kuadru Dezenvolvimentu Kapasidade Nasional ne'ebe dezenvolve husi MAE hodi eleva organizasional, tekniku no kapasidade fungsional husi munisipiu sira ne'ebe apresenta ba interesadu sira. Validasaun workshop ne'ebe realiza iha loraun 16 fulan Marsu, iha Dili, partisipantes mai husi representante ministeriu no munisipiu sira, no parseria servisu ba dezenvolvimentu iha Timor-Leste.

“Procesu Funsau Dezentralizasaun tuir lei 3/2016 iha ona no agora munisipiu ha'at sai ona autoridade munisipiu. Ida ne'e significa katak sira



foti ona responsabilidade maior. Nune funsionariu sira prezisa hetan treinamentu ne'ebé diak no autoridade munisipiu sira sei prezisa kapasidade hodi halao funsau ho diak,” Excelência Sr. Samuel Mendonça, Secretário Estado ba MAE hato'o ninia lian makloken. “Ami orgulhu tebes ba suporta husi PNUD hodi ajuda ami iha avaliasaun kapasidade hodi dezenvolve estrutura ida ne'e ne'ebé sei uza ba MAE hodi haforsa kapasidade munisipiu sira nian hodi halao sira nia mandatu.”

“Dekonsentrasaun no Desentralizasaun so bele akontese deit iha maneira efektivu se wainhira ita foka ba iha kapasidade dezenvolvimentu,” hateten Sr. Claudio Providas, Country Diretor PNUD Timor-Leste. Nia mos haforsa tan katak importansia husi habilidade dezenvolvimentu iha Timor-Leste no PNUD nia suporta atu dezenvolve peritus sira iha nasaun ne'e. “Ami iha iniciativa oin-oin husi projetu SSRI hodi servisu hamutuk ho comunidade sira no hadiak kapasidade hodi responde ba problema mudansa klimatika.

Espera katak estrutura ida ne'e sei forma baze futuru ba treinamentu no kapasidade dezenvolvimentu iha munisipiu sira.



Foto: Hipólito Amaral Ximenes / UNDP TL

ONG Local no comunidade sira servisu hamutuk hodi koalia kona ba risku klima

Projetu SSRI premiado fundus mikro-kapital ba ONG local nain 10 hodi implementa jestaun basia hidrografika no intervensaun solu komplementar bioejinaria hodi haforsa no proteje infraestrutur ne'ebe mak existe hela, no hadiak vida rural iha munisipiu Liquisa, Autoridade Municipiu Baucau no Autoridade Municipiu Ermera. Total husi premiado Micro-Kapital hamutuk 12 mak hetan fundus ona iha faze rua entre 2015 no 2017.

NETIL, ONG local Ida, rehabilita ona sistema fornese metu be'e mos iha suco Mota Ulun, Municipio Liquiça, beneficia kuaze 180, Sra. Antonio Alves de Jesus, beneficiariu husi Aldeia Claso haktuir katak be'e ne'e uza ba tein, fase no ba sira nia jardin. "Antes ne'e ami la hetan be'e no labele kuda, agora katak ami hetan be'e ami bele kuda iha ami nia jardin no mos fo bee ba animal sira," nia dehan.



Foto: Reinaldo Soares da Costa / UNDP TL



Foto: Reinaldo Soares da Costa / UNDP TL

NETIL mos realiza eventua ida iha suco iha 28 de Abril, 2017 hodi implementa "Tara Bandu" ka lei tradisional sira atu proibir ta'a ai-horis sira hodi proteje aproximadamente hektares 15 iha suco ne'e, inklui Aldeia Claso, Mauluta no Mota Ulun.

Sr. Paulino Francisco, Director NETIL haktuir desafius sira ne'ebé membru comunidade sira balun lahatene no la komprende oinsa atu proteje ambiente, tan ne'e sira ta'a ai-horis sira no husik sira nia animal sira iha ne'eba. Sra. Albertina da Conceição husi aldeia Claso haktuir katak, "nudar parte husi comunidade iha Suco Mota Ulun, ami kontente no diak tebes hodi iha Tara Bandu hodi ami respeita malu, respeita ambiente no respeita propriedade sira."



Foto: Joanna Wong / UNDP TL



Foto: Joanna Wong / UNDP TL



Foto: Nelson Pereira Vicente / UNDP TL

ONG seluk mak hanesan Timor Verde, implementa ona aktividade iha suco Osoala, Autoridade Municipiu Baucau, hodi ajuda harii reziliensia liu husi kuda ai-horis iha mota ninin no estrada ninin no kria mos verifikasaun barajen hodi proteje infraestrutur rural ho envolvimentu husi comunidade sira. "Ami sempre envolve fetu, mane, joventude no mos ema disabilidade sira. Ema divisiente balun mos ami envolve tamba maske sira matan at maibe sira liman bele servisu, maske labele koalia sira bele servisu ida ne'e ami envolve hotu," Diretor Sra. Eliza dos Santos haktuir.



Foto: Nelson Pereira Vicente / UNDP TL





Foto: Joanna Wong / UNDP TL



Foto: Nelson Pereira Vicente / UNDP TL

Estrada diak liu tan beneficia ba comunidade iha Buruma

Projetu rehabilitasaun Estrada iha suco Buruma oficialmente komisionadu husi PNUD ho parseriidade ho MAE no MCIA, Ministeriu Obras Publicos no Organizasaun internasionál ba Trabalhadores (ILO), Ekipa Dezenvolimentu Dalam nian (R4D) iha 12 de Maio 2017.

“Iha pasadu, Estrada ne’e la rehabilitadu no ami tenki lori tomate sira ba estrada bo’ot ho la’o ain. Agora kondisaun estrada diak no ami bele faan ami nia produitu lokal sira iha merkadu lokal, tamba kareta no motor sira bele tama, no ida ne’e halo ami nia servisu sai kamaan,” Sr. Timortio Ernesto da Silva, hela nain ba suco ne’e haktuir.

Rehabilitasaun husi ba dalan ho 2.77 km, husi Wamutu too Afatalakai no Waimatame iha aldeia sei benefisia populasau liu husi 4.700 no hadiak sira nia aktividade ekonomia hanesan, iha vida agrikultura inklui fo’os, kultura komersial no kolleita, pesakador no turismu iha comunidade.

“Estrada ne’e importante tebes mai ami nia comunidade tamba ami bele uza estrada hodi halo ami nia atividade lor-

loron no servisu por exemplo lalin sira nia produitu sira ba faan iha merkadu, no depois oan sira ba eskola mos assesu ba estrada ne lao ba eskola,” Sr. Antonio F. Belo, Xefe suco Buruma haktuir.

Projetu ne’e inklui konstrusaun husi parede ba retenção alvenaria no estrutura drenajem sira, revestimentu konkretu iha seksaun namodoras no fatuk oan barak, no intervensaun bio-injenaria.

“Iha tinan hirak tuir mai, fatin ne’e sei simu rendimentu husi Turismo tamba aksesu ba estrad diak ba parte tasi. La’os deit ba Turismo maibe mos promove moris no ekonomia. Hanesan estrada hadia tiha ona, nia sei atrae turista sira husi Baucau no municipio sira seluk hodi mai, no to’o ikus sei hasa’e rendimentu fo ba comunidade,” Excelência Dr. Dionísio Babo Soares, Ministru Administrasaun Estatal haktuir iha ninia deskursu.

Depois de tinan ida ne’e, Ministeriu Obras Publika liu husi programa ILO R4D sei tau matan ba dalan hirak ne’e no ofere se manutensaun rutina.



Foto: Joanna Wong / UNDP TL



Foto: Hipolito Amaral Ximenes / UNDP TL

Sistema Foun ba Fornesimentu Bee lori Bee-Mos ba Komunitade Lauala

Kuaze ema hamutuk 1000 hamutuk hodi celebra inagurasaun ba Sistema forneseimentu bee mos ne’ebe enkomendadu husi PNUD ho parseria ho MAE no MCIA iha loron 24 fulan Maio 2017.

“Uluk ami kuru beé dok tebtetes, agora bé mos besik nebe ami hanoin kontenti tebtetes ba ami nia nain ulun sira ne’ebé fó bé mós mai ami. Uluk ami la halo modo no buat ida modo ami hola deit tamba bé laiha, agora ami hanoin bé tama ona ami bele halo kuda modo, hodi tein no hemu,” Sra. Bendita de Jesus Salsinha, beneficiáriu iha Suco ne’e haktuir.

Ho konstrusaun husi estrutura do konsumu bé transmitido husi distansia 3.5 km husi fonte ba tanke ho metru 80 kúbiku no depois distribui ba tornéria públiku sira 16, fornese bé mós no eficiente liu tan ba beneficiários hamutuk 1400 iha comunidade neba.

Sr. Haoliang Xu, Assistente Secretário Geral NU no Diretor Rejional PNUD ba Ázia Pacífico ne’ebé partisipa iha eventu

inagurasaun, expresa ninia satisfasaun katak projetu suksesu ida ne’e la’os hotu deit ho ajudu PNUD nian, maibe ho parseria ho governo no importante liu ho comunidade sira.

Kona ba selesaun fatin no projetu ne’e oinsa mak hetan deseño no implementa, Sr. Xu haktuir, “Konsultasaun importante hirak ne’e hola parte ho comunidade, tamba ne’e hau hanoin ida ne’e razaun maior katak projetu ne’e suksesu.”

Sistema forneseimentu be’e oficialmente entrega ba suco nia Grupo Facilidade Manutensaun (GMFs) suporta husi Projetu hodi har’i sira nia kapasidade no sei responsabiliza ba manutensaun no sistema de operasaun.

“Tamba ne’e mantem buat ne’e ninia durasaun ba futuro, ida ne’e preocupasaun ba ami comunidade beneficiarios sira,” Chefe de Suco, Sr. Cruz aumenta tan “Oinsa tau hamutuk ami nia kontribuisaun ruma, karik hadia torneira ruma, atu nune uzu ne ba tempo naruk nian.”

Konsultasaun ho Parte Interessadus ba Transmissaun Ideias kona ba jêneru iha PDIM

17 Marsu, projetu SSRI no DARDC fasilita workshop hamutuk ho participante 30 husi nivel nasional no lokal hodi formulariza Aksaun no Planu Jeneru no roteiru ka roadmap ba jeneru inha Planeamentu Dezenvolvimentu Integradu Municipal (PDIM). Planu sira ne'e espekta atu kontribui ba politika no programa dezenvolvimentu ida ne'ebe mak efektivu no inkluzivu, no atu promove envolvimentu feto nian ne'ebe mak luan iha planu, implementasaun no jestaun ba projetu sira.




Foto: Marino Mouzinho / UNDP TL



Foto: Marino Mouzinho / UNDP TL

“Workshop ida ne'e importante tebes no hau pesoalmente konkorda hodi integra problema sira kona ba jêneru iha ami nia aktividade no programa sira hotu, tamba ida ne'e importante katak kada aktividade tenki inklui nesidade sira feto no mane sira atu nune sei beneficia igualmente ba hot-hotu,” Sra. Fatima Lourdes Alves, Secretario Estado Ponto Vocal Feto husi Municipio Liquiça.

Avaliasaun no Análiza ba jêneru realiza tiha ona no sei ajuda atu kompriende impaktu husi projetu resiliência klimatika infraestrutur rurais eskalaun ki'ik no sasukat ba jestaun risku dezastre (DRM) bazeadu iha comunidade kona ba moris husi mane no feto sira, no kna'ar husi feto sira nia kontribuisaun ba planeamentu responsivu ba jêneru no hari'i resiliência comunidade.



Treinamentu GIS haforsa kapasidade ekipa tekniku husi Munisipu neen

Treinamentu GIS ba planu projetu no jestaun, realiza ba ekipa tekniku importante sira husi Baucau no Autoridade Munisipiu Ermera, Likisa, Aileu, Viqueque no Munisipiu Lautem. Funsionariu tekniku liu husi 35 mak partisipa iha faze dahuluk iha loron 16-18 Maiu, 2017 no nain 12 mak kontinua ba faze daruak iha loron 29-31 fulan Maiu.

Treinamentu ne'e nia objetivu hodi haforsa kapasidade funsionariu tekniku iha municipio sira hodi nune sira bele aplika sira nia matenek no abilidade hodi analiza no interpreta dadus, no uza teknolojia geospacial hodi kria no maneja informasaun kona ba fatin spesifiku sira.

“Kontribuisaun GIS ne'e importante ba dezenvolvimentu nasional hodi informa ba decisores sira hodi dezenvolve planeamentu no decizaun diak. funsioanriu tekniku sira nia abilidade husi Municipio sira presiza hetan aumenta iha área GIS hodi analiza no fornese qualidade dadus ne'ebé diak liu tan,” Excelência Sr. Samuel Mendonça, Secretario Estado MSA haktuir iha ninia lian makloken.

“Ida ne'e primeira vez hau aprende kona ba GIS. Treinamentu ne'e oportunidade diak ba ami no importante tebes hodi implementa ami nia servisu.” Haktuir husi Sr. Domingos da Silva, participante ne'ebe servisu iha planeamentu no deseñu ba projetu forneselementu be'e iha Ministério Obras Públicas iha Ermera.

“GIS bele fó ajudo nakonu ba ami nia servisu iha kampo, hanesan planeamentu ba reforestasaun, agroflorestal no dezenvolvimentu ba estrada,” haktuir husi participante seluk ida, Sr. João D. M. dos Reis, Xefe departementu florestal iha Ministério Agricultura iha Aileu.



Foto: Joanna Wong / UNDP TL

Equipa Projeto:

Benedito Tilman, Bernadete da Fonseca, Devindranauth Bissoon, Ermelinda Amaral, Hipolito Amaral Ximenes, Joanna Ho Yan Wong, Jose Lindalvo, Julmiro Domingos Miguel, Mario Miguel, Nelson Pereira Vicente, Reinaldo Soares da Costa, Shanti Karanjit

Deseña no layout: Joanna Ho Yan Wong

